

UGOVOR

putem direktnog sporazuma za javnu nabavku
"Opreme za spašavanje sa vertikalnog transporta"

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Jasmin Terović, (u daljnjem tekstu: **Kupac**), ID broj: 4200665390008
2. **ABC SPORTING** d.o.o. ul. Branka Ćopića br.1, 71000 Sarajevo, kojeg zastupa ovlaštena osoba, Danel Kuprešak (u daljnjem tekstu: **Prodavac**), ID broj: 402925600003.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Prodavca koja je dostavljena dana 21.09.2020. godine i Odluka o izboru za nabavku roba, Kupca, broj: 06-11-1782-3/20 od 28.09.2020. godine.

III PREDMET UGOVORA

Član 1.

Predmet ovog Ugovora je nabavka i isporuka "Opreme za spašavanje sa vertikalnog transporta" prema tehničkoj specifikaciji, koja je navedena u Zahtjevu za dostavu ponude Kupca, broj: 06-11-1782-1.2/20 od 21.09.2020. godine, kao i Ponudi Prodavca od 21.09.2020. godine, koje čine sastavni dio ovog Ugovora.

Član 2.

Prodavac je dužan isporučiti predmet nabavke iz člana 1. ovog Ugovora prema svojoj Ponudi i specifikaciji Kupca.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 7.019,76 KM (slovima: sedamhiljadadevetnaest i 76/100 KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 3383502257012678 otvoren kod UniCredit Bank d.d.

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora, a nakon isporuke predmetne robe u roku od 10 dana.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti na adresu: Fehima ef. Čurčića br. 1, 71 000 Sarajevo najkasnije u roku od 10 dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da će isporučena roba iz člana 1. ovog Ugovora, biti traženog kvaliteta i karakteristika, odnosno kvaliteta i karakteristika koji je dao u svojoj Ponudi od 21.09.2020. godine, a koju je Kupac odabrao kao prihvatljivu i kvalifikovanu.

Primopredaju robe između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Kupca;
- da će Kupcu predati Katalog sa tehničkim specifikacijama i uputstvom za upotrebu za ponuđenu opremu;
- da će Kupcu predati garantne listove proizvođača za ponuđenu opremu.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

Član 13.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

ZA PRODAVCA
ABC SPORTING d.o.o.

ovlaštena osoba

Daniel Kupresak

Broj: _____
Sarajevo, 30.09.2020. godine



M.P.

ZA KUPCA

DIREKTOR

Jasmin Terović

Broj: 06-11-1782-5/20
Sarajevo, 29.09.2020. godine

Handwritten text at the top of the page, possibly a title or introductory paragraph.

Second line of handwritten text.

Third line of handwritten text.

Fourth line of handwritten text.

Fifth line of handwritten text.



Text at the bottom of the page, possibly a conclusion or final notes.